



UNIVERSITÄTS-
BIBLIOTHEK
PADERBORN

Universitätsbibliothek Paderborn

Bekerung H. Joannis Harennij

Haren, Jan

Cölln, 1586

VD16 ZV 7369

Von den Bildern.

urn:nbn:de:hbz:466:1-35563

den/nicht anders seye/den glauben an den
 Son Gottes; Sie verlassen aber die ge-
 horsamkeit der gebotte Gottes / vnd ver-
 stehen die wort nicht: Ich glaube in Gott
 vatter allmechtig / 2c. Man hat auch vna-
 ter den Protestierenden / den Articuli der
 Rechtfertigung betreffend/bey die zwo os
 der drey vñ zwenzig verschiedene meinun-
 gen vermercken vnd finden können.

Von anruffung der Heys- ligen.

Agilantius hielt vor alters dem ge-
 meinen Volck die Lehr für/ das man
 die Heiligen/ so im Himmel sind/nicht an-
 ruffen solt: Aber dieselbige Kezerey ist vna-
 langß hernach/ so wol durch des götliche
 worts / vnd der Kircken auctoritet / als
 durch vnzalbar viel widerzeichen/ so teg-
 lich bey der Metler Gräbern geschahen/
 vmbgestossen vnd vertilget worden. Vnd
 solten sich die Protestierenden schemen/
 das sie diese schedliche Kezerey widerumb
 ernewet haben.

Von den Bildern.

Flavianus/ der abtrinnig Keyser Jus-
 lianus/

Manus/ die Bildestürmer vnd andere / so der Heyligen Kirchen vnd ihrem rühtigen wesen feind waren / gaben vorzeiten den Christen schuld / als wen sie mit Abgötterey vmbgiengen / darumb das sie Bilder in ihren Kirchen hatten.

Die Protestierenden thun auch eben dasselbige / vnd sagen spödelich / das zwischen den bildnissen Christi Jesu / oder der Heyligen Mertler / vnd den Heidnischen Abgöttern / als de Jupiter / Juno / Mars / Pallas / vnd andern dergleichen / kein vnterscheid seye. Besihe den Tractat / welchen Serranus ein Predicāt zu Nimes / wider die Pätter zu Tournon gemacht hat / am 52. blat. Also lestern jene die Catholischē / das sie Bildnissen Jesu Christi vnd seiner Heyligen haben ; vnd wollen gleichwol selbs nicht gelestert sein / das sie ein vnendliche anzal von bildnissen ihrer Predicanten vnd anderer Leut haben. Man sol in Holland vnd Seeland / ja zu Geneue schir kein hauß noch gemach finden / so nicht mit schendlichem vnd vnzüchtigem gemähle verzieret seye.